

Peluang bantu diri, orang lain

► 66 anggota Pasukan Siswa APM jalani Latihan Medan

UB 6.12.2017 B6

SERAMAI 66 anggota Pasukan Siswa Angkatan Pertahanan Awam Malaysia (APM) Universiti Malaysia Sabah Kampus Antarabangsa Labuan (UMSKAL) menjalani program Latihan Medan bertempat di Pusat Kawalan Operasi APM Daerah Wilayah Persekutuan Labuan.

Daripada jumlah itu, 38 daripadanya adalah Pasukan Siswa APM Semester 1, manakala 28 yang lain anggota Pasukan Siswa APM UMSKAL Semester 3.

Program tiga hari dua malam itu berlandaskan objektif memberi peluang kepada anggota Pasukan Siswa APM UMSKAL mendapat pengetahuan dan kemahiran untuk membantu diri sendiri dan orang lain, memupuk nilai dan sikap hormat menghormati, menurut perintah, berdisiplin, bekerjasama, bertanggungjawab, dan berkeyakinan diri, dan mempertingkatkan

ketahanan fizikal, mental dan daya kerohanian yang seimbang.

Majlis Penutupan Latihan Medan Pasukan Siswa APM UMSKAL telah disempurnakan oleh Leftenan Kolonel Bersekutu (PA) Profesor Madya Dr Hjh Norazah Mohd Suki selaku Pegawai Bersekutu Pasukan Siswa APM UMSKAL.

Dalam ucapannya, beliau berkata bekalan ilmu pertahanan awam secara teori dan praktikal, di samping semangat kesukarelawan yang tinggi dalam kalangan sukarelawan amat bernilai bagi membantu APM daerah dalam menghadapi bencana, termasuk melaksanakan sebarang aktiviti kesedaran keselamatan awam, kesiapsiagaan menghadapi kecemasan dan bencana.

“Marilah kita terus mengamalkan sikap hormat menghormati sesama individu, cekap, berkualiti tinggi,



APLIKASI pengendalian peralatan kebombaian bagi membantu menyelamatkan mangsa kebakaran.

berintegriti, berdisiplin, tidak mementingkan diri sendiri dan bekerja dengan semangat berpasukan ke arah menjadikan pertahanan awam sebagai peneraju keselamatan awam, di samping sentiasa cintakan kepada tanah air,” katanya.

Melalui penyertaan dalam program itu, anggota Pasukan Siswa APM



NORAZAH (dua kiri) menyerahkan sijil penyertaan latihan medan kepada peserta.



PENDEDAHAN berkaitan peralatan dalam ambulans untuk menyelamatkan mangsa di tempat kejadian.

UMSKAL dapat melakukan aktiviti Jungle Trekking secara berkumpulan dan

simulasi latihan menyelamatkan empat sudut (stretcher repelling) di Bukit



SIMULASI latihan menyelamatkan empat sudut (stretcher repelling) di Bukit Merinding, Pancur Hitam.



APLIKASI penggunaan waterax dan water pump semasa kebakaran hutan atau belukar.

Merinding, Pancur Hitam serta simulasi membawa bekalan air dan makanan yang terhad dengan mengharungi cuaca panas di samping bentuk muka bumi yang curam dan licin.

Para anggota turut diberi pendedahan berkaitan aplikasi pengendalian peralatan kebombaian seperti waterax dan pam air bagi membantu menyelamatkan

mangsa kebakaran, dan peralatan dalam ambulans untuk menyelamatkan mangsa di tempat kejadian, selain cara yang betul bagi menaikkan mangsa ke pengusung.

Di samping itu, aktiviti latihan dalam kumpulan (LDK) turut dilaksanakan bagi menyelesaikan tugasan yang diberikan seperti pembentangan mengenai logo, visi dan misi kumpulan.

Leftenan Kolonel Bersekutu (PA) Profesor Madya Dr Hjh Norazah turut menyampaikan sijil kepada para peserta di kemuncak acara.

Turut hadir, Penolong Pegawai Pertahanan Awam Daerah Wilayah Persekutuan Labuan Kapt (PA) Japli Siping dan warga kerja APM Daerah yang bertindak sebagai jurulatih, selain penglibatan anggota Pasukan Siswa APM UMSKAL Semester 5 yang membantu kelancaran aktiviti yang diadakan.



(atas) **BARISAN** anggota Pasukan Siswa APM UMSKAL Semester 1 serius mendengar taklimat.



JURULATIH memberi tunjuk ajar cara menaikkan mangsa ke pengusung.



NORAZAH (enam dari kiri) dan barisan anggota Pasukan Siswa APM UMSKAL Semester 3.